

新刊國朝二百家名賢文粹

新刊 國朝二百家名賢文粹卷第三

論著

古聖賢三

伯夷論

臨川先生

事有出於千載之前聖賢辯之甚詳而明然後世不深攷之因以偏見獨識遂以為說既失其本而李士大夫共守之不為變者蓋有之矣伯夷是已夫伯夷古之論者孔子孟子焉以孔孟之可信而又辯之反復不一是愈益可信也孔子曰不念舊惡求仁而得仁餓于首陽之下逸民也孟子曰伯夷非其君不事不立惡人之朝避紂居北海之濱目不視惡色不事不肖百世之師也故孔孟皆以伯夷遭紂之惡不念以怨不忍事之以求其仁餓而避之不自降辱以待天下之清而号為聖人耳然則司馬迂以為武王伐紂伯夷叩馬而諫天下宗周而恥之義不食周粟而為采薇之歌韓子因之亦為之頌以為微二子乱目

賊子接迹於後世是大不然也夫商衰而紂以不仁殘天下天下孰不病紂而尤伯夷也嘗與大公聞西伯善養老則往歸焉當是之時欲夷紂者二人之心豈有異耶及武王一奮太公相之遂出元元於塗炭之中伯夷乃不與何哉蓋二老所謂天下之大老行年八十餘而春秋固已高矣自海濱而趨文王之都計亦數千里之遠文王之興以至武王之世歲亦不下數十豈伯夷欲歸西伯而志不遂乃死於北海邪抑來而死於道路邪抑其至文王之都而不足以及武王之世而死邪如是而言伯夷其亦理有不存者矣且武王倡大義於天下太公相而成之而獨以為非豈伯夷乎天下之道二仁与不仁也紂之為君不仁也武王之為君仁也伯夷固不棄不仁之紂以待仁而後出武王之仁焉又不事之則伯夷何處乎余故曰至賢之辯甚詳而後世偏見獨識者之失其本也嗚呼使伯夷之不死以及武王之時其烈豈太公哉

夷齊論

穎濱先生

武王以大義伐商而伯夷叔齊亦以義非之二者不得兩立而孔子与之何哉夫文武之王非求而得之也天下從之豈欲免而不得紂之存亡不復為損益矣文王之直之知天命之不可先也武王之成之知天命之不可後也然湯以克夏為慙而孔子謂武未盡善則伯夷之義豈可廢哉宋昭公以无道弑春秋史書曰宋人弑其君杵臼然晉荀林父衛孔達陳公孫寧鄭石楚伐宋以不討賊稱人百靈公為之會諸侯于亳以不討賊不叙明君目之義不以无道而廢之也

夷齊論

東溪先生

死而无益於世君子輕死如鴻毛而重生猶大山死而有益於世君子重死猶大山而輕生如鴻毛古之人以死為有益於世輕其生以取大山之重者夷齊是也聖賢言夷齊之行若固多然後世之所考信者莫若於孔孟由孔孟而下如莊周司馬子

長韓退之之徒所言雖在疑信之間但味其意苟有益於名教者皆不可弃孔子言伯夷叔齊餓于首陽之下而不言其所以餓孟子言伯夷非其君不仕非其民不使不立惡人之朝不与惡人言故聞伯夷之風者頑夫廉懦夫有立志但言其行而不言其餓死至莊周則備言夷齊諫武王言不見聽遂去而甘餓馬迂作史亦載莊周之言退之採莊孟之說而著之頌其言蓋出於有激近世論夷齊者以孔孟不著夷齊之諫遂以莊馬韓子之說為失實而欲黜之余請詳其說使孔孟及三子之說各有攸當孔孟之說尤有深趣而三子亦不在所黜使學者知聖賢立言亦自有意旨固當信而不疑也蓋孔孟出於既衰之周方欲救當時之塗炭使夷齊之說行而武王不當伐紂則吾民陷溺之急誰与拯之此孔子所以沒其進諫而不言但美夷齊餓死而薄景公千駟以厲天下之貪者而已孟子之時士之制行者出處語嘿各持一節而相笑故孟子備言數聖之制行而

謂聞其風者皆可以爲訓又周德大衰有道之士无急救時矯  
枉甘餓當此之際君子未暇爲也故孟子既言其餓死不言且  
曰伯夷隘以伯夷爲隘則孟子之志可見矣莊周著書主於放  
言以明道旣已謂之放則於言無所顧忌上旣不爲武王諱下  
亦不爲伯夷隱所以爲諫者又何恤而不言哉蓋不言所以尊  
時王而振濟時之道言之所以明太分而矯百世之貪正無害  
於名教而有益於礼義史遷廣記備言因採周之說以爲實錄  
非無益於勸懲也唐之中世強藩悍鎮團視而起小則兵叛帥  
大則帥驕上及其亡也職此之由惟以伯夷之風不聞於世也  
久矣是故天下不幸而產是亂則韓子所以屢數而言之者是  
謂有激也故曰言与不言正無害於名教而有益於礼義孔子  
之說尤得其趣而三子亦不在所黜學者當信而不疑也借使  
後世謂莊子而下非孔孟之言而不信則凡言之未質於聖人  
者一切皆在所弃何獨夷齊一事而已昔成湯放桀於南巢自

讀有勲德而作仲虺之誥則武王之伐紂夷齊耻而餓死未必  
不与仲虺之誥殊塗而同歸且君子之制行非有大利害於天  
下則不必輒死其身也當武王之伐紂天下之民皆以幸免於  
塗炭一口而頌之詩書所稱是也士之所見當異於凡民非有  
特立獨見之明攘臂於其間唱大分於天下則後世好亂莠雄  
借武王之名以瀆君臣大分者何日無之使夷齊雷同一時之  
說而後世之三綱易而風俗敗矣故寧殺其身以成天下後世  
之仁叩馬而諫非必欲止武王之師也欲以其身立大節於天  
下後世耳惟以是而死則死爲有賴捨此不爲而死於床第無  
異匹夫之溝瀆也故曰武王伐商迂九鼎焉義士猶或非之義  
士謂誰伯夷之徒是也然則夷齊之諫武王王孫滿嘗知之矣  
不特莊周乃著其言也

伯夷叔齊論

待制張公

作車而行陸及濟川則所急者舟而車不足稱也夏則衣葛及

樂則所急者表而蓋不足稱也以是觀之民之所喜而稱者  
皆有用於我者也自有天地即有名教名教未嘗一日不在天  
下則有功於名教者天下未嘗一日弃之而不稱非稱夷齊也  
仁義之心同則所感者亦同也名教之於天下猶穀米布帛之  
不可一日闕則天下之人於名教之士實誰忍弃之而不稱哉  
是則非特當時稱之也雖至於千萬世後稱之可也

柳下惠論

顏濱先生

伯夷叔齊不降其志不辱其身義不事武王而柳下惠降志辱  
身三黜於魯且不去行若冰炭之異而聖人皆取之者其心一  
也心苟不然則伯夷必陷於狷柳下惠必陷於鄉原而孔子奚  
取焉易曰君子之道或出或處或默或語二人同心其利斷金  
夫君子平治其心外累既盡至於不可加損人莫得而見也惟  
其出處語默應於外者不一而其中未嘗違仁然後知其爲同  
耳然孔子之論此三人或謂之賢人或謂之仁人未嘗以聖人



許之孔子曰見善如不及見不善如探湯吾聞其語矣未見其人也隱居以求其志行義以達其道吾聞其語矣未見其人也齊景公有馬千駟死之日民無得而稱焉伯夷叔齊餓于首陽之下民至于今稱之其斯之謂歟蓋孔子之稱夷齊以爲賢於當世之君子至於當世諸侯大夫則不能望其垣墻耳非以爲堯舜等比也故其敘逸民亦曰我則異於是無可無不可夫人而不能無可無不可而尚足以爲聖人乎至孟子始謂伊尹伯夷柳下惠皆古之聖人而孔子異而世俗又從而廣其說曰此三人者皆聖人之超時者也伊尹之後士多進而寡退故伯夷出而矯之伯夷之後士多退而寡進故柳下惠出而矯之夫三代之風今世不得見矣春秋之際士方以功利爲急孰謂其多退而寡進也哉此皆妄意古人耳湯之稱伊尹曰聿求元聖與之戮力以興爾有衆請命伊尹之自稱亦曰惟尹躬暨湯咸有一德克享天心受天明命以有九有之師及孔子敘書皆不以

爲過謂之聖人或庶幾焉如伯夷柳下惠吾從孔子而已

季札論

徂徠先生

夫堯一身以存萬代君臣上下之分者夷齊也虛一國以存萬代父子兄弟之親者季札也噫夷齊非苟義也札非苟讓也以夷齊之明且智豈不知紂之不仁塗炭天下武王順乎天而應乎人以至仁而伐至不仁極民塗炭中置於安樂泰然也蓋以謂堯禪舜舜禪禹禹傳子夫下之大公也而舜賢也禹賢也啓賢也堯舜之禪讓禹之傳嗣皆爲賢也可以法湯伐桀武伐紂雖天下之大義而桀紂君也湯武臣也以臣伐其君不可以訓願堯禹皆傳子賢而得始以兵伐桀湯既以臣伐桀而自爲君武王亦以臣伐紂而自爲君且大懼後世不知有堯舜禹之以大公之命而傳子賢但知湯武之以大義伐桀紂而將有假大義之名弑賊篡弑其君者故諫於馬前死於首陽噫夷齊非苟義也存方代君臣上下之分也以季札之明且智豈不知吳國

以季子則存以諸樊則亡豈不能保其先人之國則爲孝覆絕其先人之祀則爲不孝蓋以謂父与子天下之大親也兄与弟天下之大倫也周室既衰王政絕矣天子爭立諸侯篡奪弟殺其兄子弑其父無國無之且大懼後世不知有父子之親兄弟之愛皆以謂子得以篡其父弟得以奪其兄則親愛滅矣故託以子臧讓於諸樊噫季札非苟讓也存方代父子兄弟之親且非夷齊則後世弑君接踵矣非季札則後世弑父繼軌矣獨狐及作季札論云云者豈知季札之所存也吁乃徒知廢先君之命非孝滅其國不仁獨不知奉先君以爲孝孝之大也全一國以爲仁仁之小也与其奉先君已沒之命孰若存先王大中之一教与其全一國將墜之緒孰若救万世篡弑之禍嗚呼季札之意遠哉及豈知之也故孔子稱伯夷叔齊曰古之賢人也謂季札曰吳之習札者也

曹子臧吳季札論

顏濱先生

春秋之際世不知義而以權利爲貴雖齊桓晉文皆以爭國成名者也如子臧之於曹季子之於吳皆有可取之義置而不顧而況於爭乎高子之義欲考其行事而子臧反國而致邑事不復見季子事吳九十餘年觀其掛劬於墓不以死背其心葬于贏博不以恩累其志引兵解楚不以名害其德蓋其所以養心者至矣雖祿之天下將有所不受而況於吳乎彼其所養者誠重故也

### 十哲論

司馬溫公

十哲於經無見而李者多稱之國家祀孔子十哲則祀於堂上其餘門人祀於東西廡下俎豆之數皆異焉愚切以爲過矣是十人者孔子雖以四科第之非謂門人之中唯十人爲賢也至於柴也愚參也魯師也辟由也喭豈謂唯此人爲不肖邪以此觀之尊十哲非孔子意明矣必若以一善取之則門人之賢者非止十人也以盡善取之則德行之外未有無過者也孔子謂

率我曰朽木不可彫於乎與何誅子貢曰賜不受命而與殖焉  
億則屢中謂冉有曰求也非吾徒也小子鳴鼓而攻之可也謂  
子路曰由知德者鮮矣謂子夏曰商也不及然則豈為不善邪  
又十哲之外孔子之所稱譽多矣曾點與子路冉有俱侍坐各  
言其志而孔子獨曰吾與點也曾參以至孝願孔子為之語孝  
經又謂子賤君子哉若人然則十人之餘豈可盡誣邪且政事  
言語文學之高者不足以當極行之卑者是十人者其中固有  
差等矣豈可為之一槩邪

### 孔子弟子論

顏淵先生

孔子於諸弟子獨稱顏子之好學弟子之賢者眾矣而孔子不  
以好學許之豈妄言哉吾嘗論弟子之知孔子者獨顏子耳  
孔子之道如天然在人賢者識其大者不賢者識其小者顏子  
識其大者也故仰之而知其有高者存焉鑽之而知其有堅者  
存焉故曰語之而不惰者其回也与此孔子所以獨稱其好學

也人誠有見於此譬如為山雖覆一簣未有能止之者也苟誠無見矣雖既九仞不復能造也此顏子與眾弟子之辨也

顏子所好何學論

伊川先生

聖人之門其徒三千獨稱顏子為好學夫詩書六藝三千子非不習而通也然則顏子所獨好者何學也學以至聖人之道也聖人可學而至欤曰然學之道如何曰天地儲精得五行之秀者為人其本也真而靜其未發也五性具焉曰仁義禮智信形既生矣外物觸其形而動於中矣其中動而七情出焉喜怒哀哀樂憂惡欲情既熾而益蕩其性毀金矣是故覺者約其情使合於中正其心養其性故曰性其情愚者則不知制之縱其情而至於邪僻格其性而亡之故曰情其性凡學之道正其心養其性而已中正而誠則聖矣君子之學必先明諸心知所養然後力行以求至所謂自明而誠也故學必盡其心盡其心則知其性知其性反而誠之聖人也故洪範曰思曰睿睿作聖誠之

之道在乎信道篤信道篤則行之果行之果則守之固仁義忠信不離乎心造次必於是顛沛必於是出處語默必於是久而弗失則居之安動容周旋中禮而邪僻之心無自生矣故顏子所事則曰非禮勿視非禮勿聽非禮勿言非禮勿動仲尼稱之則曰得一善則拳拳服膺而勿失之矣又曰不遷怒不貳過有不善未嘗不知知之未嘗復行也此其好之篤孝之之道也視聽言動皆孔矣所異於聖人者蓋聖人則不思而得不勉而中從容中道顏子則必思而後得必勉而後中故曰顏子之去聖人相去一息孟子曰充實而有光輝之謂大化之謂聖聖而不可知之謂神顏子之德可謂充實而有光輝矣所未至者守之也非化之也以其好孝之心假之以年則不日而化矣故仲尼曰不幸短命死矣蓋傷其不得至於聖人也所謂化之者入於神而自然不思而得不勉而中之謂也孔子曰七十而縱心所欲不踰矩是也或曰聖人生而知之者也今謂可孝而至

其有稱乎自然孟子曰堯舜性之也湯武反之也性之者生而知之者也反之者學而知之者也又曰孔子則生而知也孟子則學而知也後人不達以謂聖本生知非學可至而為學之道遂失不求諸已而求諸外以博聞強記巧文麗辭為工榮華其言鮮有至於道者則今之學與顏子所好異矣

顏子論

曾文昭公

仁人道也聖天道也人道主愛天道主化惟其主愛故自愛已至於愛人愛物無所往而不為仁此則與人為徒者也惟其主化故近自於一身而遠至於天下後世微至於喘嘆肖翹之類莫不待我而後成此則與天為徒者也與人為徒未離乎人也與天為徒未離乎天也至於和同天人之際而利用出入使之無間者其惟神乎神者妙萬物而無迹者也繼神者聖繼聖者仁故聖人之道於仁則顯於用則藏也蓋仁之為德至矣孔子之門人高第蓋多而與之仁者顏子而已故告之以克己復禮



而又稱其不遽怒不貳過其心三月不違仁夫能視聽言動由  
於禮而其世不爲喜怒哀樂所遷又能知不善而不行其所自得雖  
久而不違非禮仁之君子孰能與此哉雖然充其所學足以盡  
性而已至於化則未能也故其稱孔子曰鑽之彌堅仰之彌高  
瞻之在前忽焉在後雖欲從之末由也已夫未能化則未可言  
聖未可言聖則未可與入社若此者可謂能盡人道者也能盡  
人道則其云天道也一閭而已顏子不幸蚤死而充之不極蓋  
所謂命也列禦寇以謂能仁而不及反揚雄亦以謂得其行矣  
未得其所以行夫得其行者固遠矣然而未至也得其所以行  
則其爲聖也孰禦焉孔子之門人若子貢之辯子路之勇子游  
子夏之文學其所學既立可謂豪傑之士矣然而未仁顏子仁矣  
而未足以入聖至於神者又聖之妙也則所謂天下之至神非  
孔子孰能與之哉

子貢

臨川先生

余讀史所載子貢事疑傳之者妄不然子貢安得爲儒哉夫所  
謂儒者用於君則憂君之憂食於民則患民之患在下而不用  
則脩身而已當堯之時天下之民患於洚水堯以爲憂故禹於  
九年之間三過其門而不一省其子也回之生天下之民患有  
甚於洚水天下之君憂有甚於堯回以禹之賢而獨樂陋巷之  
間曾不以天下之憂患介其意也夫二人者豈不同道哉所遇之  
時則異矣蓋生於禹之時而由回之行則是楊朱也生於回之  
時而由禹之行則是墨翟也故曰賢者用於君則以君之憂爲  
憂食於民則以民之患爲患在下而不用於君則脩其身而已  
何憂患之庸哉夫所謂憂君之憂患民之患者亦以義而後可  
爲之謀也苟不義而以能釋君之憂除民之患賢者亦恥爲之  
矣史記曰齊伐魯孔子聞之曰魯墳墓之國國危如此二三子  
何爲莫出子貢因行說齊伐吳說吳以救魯後說越復說晉以  
國由是交兵或強或破或亂或霸卒以行魯觀其言而其事乃

与夫儀秦軫代無以異也嗟乎孔子曰已所不欲勿施於人已  
以墳墓之國而欲全之則吳齊之人豈元是心哉奈何使之  
欺吾所以知其傳者之妄二也於史攷之當是時孔子子貢  
匹夫非有卿相之位万鍾之祿也何以憂患為哉然則異於顏  
回之道矣吾所以知其傳者之妄二也墳墓之國雖君子之所  
重然豈有憂患為謀之義哉借使有憂患為謀之義則豈可以  
變詐之說士人之國而求自存哉吾所以知其傳者之妄三也  
子貢之行雖不能盡當於義然孔子之賢弟也孔子之賢弟子  
之所為固不宜至於此矧曰孔子使之也太史公曰學者多稱  
七十子之徒譽者或過其實毀者或損其真子貢雖好辯詎至  
於此耶亦所謂毀損其真哉

子貢論

老泉先生

君子之道智信仁有所以正其智也而智益至於不正智者  
所以通其信也而信常至於不通是故君子處之也世之儒者

曰徒智可以成也人見乎徒智之可以成也則舉而棄乎信也則曰徒智可以成也而不可以繼也子貢之以亂齊滅吳存魯也曰悲之彼子貢者遊說之士苟以邀一時之功而不以可繼爲事故不見其禍使夫王公大人而計出於此則曰未見其不旋踵而敗也曰聞之王者之兵計萬世而動霸者之兵計子孫而舉彊國之兵計終身而發求可繼也子貢之兵是明目不可用也故子貢之出也曰以爲魯可存也而齊可無亂吳可無滅何也田常之將篡也憚高曰鮑姜故使移兵伐魯爲賜者矣若抵高國鮑姜弔之彼必愕而明焉則對曰田常遣子之兵伐魯吾竊哀子之將亡也彼必詰其故則對曰齊之有田氏猶人之養虎也子之於齊猶肘股之於身也田氏之欲肉齊久矣然未敢違志者懼肘股之憚也今子出伐魯肘股去矣田氏孰懼哉吾見身將磔裂而肘股隨之所以弔也彼必懼而咨計於我因教之曰子悉兵趨魯壓境而止吾請爲子清約魯侯以待曰

氏之變帥其兵從子入討之彼懼田氏之禍其勢不得不聽歸以約魯侯魯侯懼齊伐其勢亦不得不聽因使練兵蒐粟以俟齊累誅亂且而定新主齊必德魯數世之利也且觀仲尼以爲齊人不而田常者半故請哀公討之今誠以魯之衆從高國鮑晏之師加齊之半可以驟田常於都市其勢甚便其功甚大惜乎賜之不出於此也齊哀王舉兵誅呂氏呂氏以灌嬰爲將拒之至榮陽嬰復使諭齊及諸侯連和以待呂氏變嬰誅之今田氏之勢何以異此有魯以爲齊有高國鮑晏以爲灌嬰惜乎賜之不出於此也

端木賜論

顏濱先生

太史公稱子貢一出存魯亂齊破吳強晉伯越子觀春秋左氏傳齊之伐魯本於悼公之怒季姬而亦陳恒吳之伐齊本怒恤公之反覆而非子貢吳齊之戰陳乞猶在而恒表左事凡太史公所記皆非也蓋戰國說客設爲子貢之辭以自託於孔氏而

太史公信之耳孔子有言誦詩三百授之以政不達使於四方不能專對雖多亦奚以為孔子之門所謂言語者初止於此至於子貢加之以巧辯可以解紛紜救患難如今所載而已者如公孫衍張儀騁其詭辯傾覆諸侯以快意一時此則孔氏所諱也

新刊 國朝一百家名賢文粹卷第三

新刊 國朝二百家名賢文粹卷第四

論著

古聖賢四

三子知聖人汚論

老泉先生

孟子曰宰我子貢有若知足以知聖人汚吾為之說曰汚下也  
宰我子貢有若三子者其知不足以知聖人高深幽絕之境而  
徒得其下者焉耳宰我曰以子觀於夫子賢於堯舜遠矣子貢  
曰由百世之後等百世之王莫之能違也有若曰出乎其類拔  
乎其萃自生民以來未有夫子之盛也是知夫子之大矣而未  
知夫子之所以大也宜乎謂其知足以知聖人汚而已聖人之  
道一也大者見其大小者見其小高者見其高下者見其下而  
聖人不知也苟有形於吾前者吾以為无不見也而商婁子必  
將有見吾所不見焉是非物罪也太山之高百里有却走而不  
不見者矣有見而不至其趾者矣有至其趾而不至其上者矣

而太山未始有變也有高而已耳有大而已耳見之不逃不見  
不求見至之不拒不至不求至而三子者至其趾有顛淵從夫  
子游出而告人曰吾有得於夫子矣宰我子貢有若從夫子游  
出而告人曰吾有得於夫子矣夫子之道一也而顛淵得之以  
為顛淵宰我子貢有若得之以為宰我子貢有若夫子不知也  
夫子之道有高而又有下猶太山之有趾高則難知下則易從  
難知故夫子之道尊易從故夫子之道行非夫子下之而求行  
也道固有下者也太山非能有趾而不能无趾也子貢謂夫子  
曰夫子之道至大也故天下莫能容夫子夫子蓋少貶焉夫子  
不悅夫有其大而後能安其大有其小焉則亦不狹乎其小夫  
子有其大而子貢有其小然則无惑乎子貢之不能安夫夫子  
之大也

宰我不叛論

東坡先生

李斯上書諫二世其略曰田常為簡公臣布惠施德下得百姓



上得群臣陰取齊國殺宰予於庭是宰予不從田常亂而夷其族太史公載宰我爲臨淄大夫與田常作亂以夷其族孔子耻之李斯事荀卿去孔子不遠宜知其實弟子傳之妄也

常病太史公言宰我與田常作亂夷其族使吾先師之門乃有叛臣焉天下通祀者容叛臣其間豈非千載不蠲之感也近令兒子邁考閱舊書究其所因則宰我不叛左驗甚明太史公固陋嫌疑使宰我負冤千載而吾師而蒙其詬目茲一洗亦古今之一快也

### 宰予論

穎濱先生

太史公言宰我爲臨淄大夫與田恒作亂夷其族孔子耻之余以爲宰我之賢列於四科其師友淵源所從來遠矣雖爲不善不至於從畔逆弑君父也宰我不幸居有晝寢短喪之過儒者因遂信之蓋田恒之亂本而闕止爭政闕止亦曰子我也田恒既殺闕止而宰我蒙其惡名豈不哀哉且使宰我信與田恒之

孔伯既殺闕止弑簡公則尚誰應宰我者事蓋必不然矣使宰  
我陷於逆亂猶不足惜也而使孔子門人之高弟至於如此豈  
不為孔氏惜哉李斯言曰伯陰成子與國殺宰予於庭因執簡公  
以攻田成子今之卒中曰不見莊節母起鳴夷于皮間之告田  
成子成子乃田成子之仇為齊攻田伯者非與田伯作亂矣要之  
曰則止所曰子我殺戰國諸子誤以為宰予皆不足信也

冉雍論

顏濱先生

古者七介以相見三辭三讓而後至無所不致其文所謂敬也  
不敬則確確則易易則民慢故古之君子其身無所不敬其於  
人也則不然平易近民而後之太公之所以治齊則居敬而行簡  
者也伯禽之所以治魯則居敬而行敬者也雖周公亦憂魯之  
不競則仲弓之言周孔之所許也

冉求仲由論

顏濱先生

冉有季路皆以政事稱於孔氏冉有才有餘而志不足其於季  
氏委曲從之不能有所立也至於季路志厲而識闇事衛出公

雖父子爭目而不知其危也方其攻莊公於堂上使幸而莊公  
舍孔悝季路與悝皆出猶可言也莊公方猶孔悝以取備其不  
釋悝明矣孔悝不出遂攻而勝之則爲臣弑君季路雖生將安  
所容身乎嗚呼季於孔子而其愚害曾不若乃獲悲夫

卜面論

穎濱先生

善乎子夏之教人也始於洒掃應對進退而不急於道使其來  
者自盡於孝日引月長而道自至故曰百工居肆以成其事君  
子學以致其道譬如農夫之殖草木旣爲之區別概種而時耨  
之風雨旣至小大甘苦莫不咸得其性而農夫無所用巧也孔  
子曰君子上達小人下達達之有上下出乎其人而非教者之  
力也異哉今世之教者聞道不明而急於誇世非性命道德不  
出於口雖禮樂刑政有所不言矣而況於洒掃應對進退也哉  
教者未必知而學者未必信務爲大言以相欺天下之僞自是  
而起此子夏所謂誣也

曹點論

穎濱先生

四子之言皆其志也夫子之哂由也以其不讓而求與點也以其自知之明如曾皙之狂其必有不可施於世者矣苟不自知而強從事焉禍必隨之其欲從弟子風乎舞雩樂以忘老則其處已也審矣不然孔子豈以不仕爲貴者哉

樊須論

穎濱先生

樊遲之學爲農圃蓋將與民並耕而食歟此孟子所謂許行之事也孟子曰有大人之事有小人之事堯以不得舜爲已憂舜以不得禹皋陶爲已憂以百畝之不易爲已憂者農夫也此孔子所謂樊遲小人也

有若論

穎濱先生

苟至於君子未有無耻者也孟子稱禹崩益辟禹之子於箕山之陰朝覲訟獄者皆不之益而之啓然後益不敢踐天子位太史公稱孔子既沒弟子以有若貌類孔子師之如孔子時及閔

而不能答乃斥去之夫以益有若之賢而其无以至此極歟且月宿于畢而雨不應商瞿四十而生五十此卜祝之事而鄙儒所以謂孔子聖人者也戰國雜說類此者多矣孟子猶不能擇而况太史公乎

有若論

宋景文公

太史公仲尼弟子傳稱孔子既歿弟子思慕有若狀似孔子相与共立爲師他日弟子進問云云有若默然無以應之弟子曰有若避之此非子之坐也嘗推本其文此殆鄒魯間野人語耳若夫多能天縱淵泉溥博与日華夫極不可階而踰者此固卓然異乎夏絕夷等生人以來未有如之者矣及夫天不憖遺人將安傲服雁足之徒悼惘無所則尊其言而奉行之可也敷其教而懸明之可也寧待索自皮之肖似席師訓以咨決握衣避席北面而事之使弟子皆愚人也則可若其少知一倖寧不謂之痛心哉夫螭蜥似龍不以御天砥砧象玉弗容禮神浮寔擬日

義仲面之寓木偶僕夫云之何則真假有區其愚能判枉正  
殊品惟材難強今乃道道德之實据形疑之偽拔而立之質而  
逐之是先聖直被竊宝之誅項羽可膺降燭之錫優孟自可相  
楚虎賁亦當依僕魯多君子一何勃哉是使在三之義未廢於  
師嚴無服之喪下同於儒戲昔周思召伯猶能愛樹越求范蠡  
因用鑄金自假物以懷賢非望人而責實較之茲事不以優乎  
及觀孟子書亦云子夏子張子游以有若似聖人欲以所事孔  
子事之強曾子曾子不可曰江漢以濯之秋陽以暴之皜皜乎  
不可尚已由是而言則始嘗謀之後弗克卒又安有離事亡應  
商瞿之對撒坐攘臂事之弗終之論乎古人多失實於傳聞此  
其驗已

子思論

東坡先生

昔者夫子之文章非有意於文是以未嘗立論也所得而言  
者唯其歸於至當斯以爲聖人而已矣夫子之道可由而不可

言可知而不可議此其不爭爲區區之論以聞是非之  
端是以獨得不廢以與天下後世爲仁義禮樂之主夫  
子旣沒諸子之欲爲書以傳於後世者其意皆存乎爲  
文汲汲乎唯恐其汨沒而莫吾知也是故皆喜立論論  
立而爭起自孟子之後至于荀卿楊雄皆務爲相攻之  
說其餘不足若紛紛然於天下嗟夫夫子之道不幸而有  
老聃莊周楊朱墨翟田駢慎到申不害韓非之徒各持  
其私說以攻乎其外天下方將惑之而未知所適從禁  
何其弟子門人又內自相攻而不決千載之後學者愈  
衆夫子之道益晦而不明者由此之故歟昔二子之爭  
起於孟子孟子曰人之性善惡混孟子旣已據其善是  
故荀子不得不出於惡人之性有善惡而已二子旣已  
據之是以揚子亦不得不出於善惡混也爲論不求其  
精而務以爲異於人則紛紛之說未可以知其所止也

夫夫子未嘗言性也蓋亦嘗言之矣而未有必然之論也孟子之所謂性善者皆出於其師子思之書子思之書皆聖人之微言篤論孟子得之而不善用之能言其道而不知其所以爲言之名舉天下之大而必之以性善之論昭昭乎自以爲的於天下使天下之過者莫不欲援弓而射之故夫二子之爲異論者皆自孟子之過也若夫子思之論則不然曰夫婦之愚可以與知焉及其至也雖聖人亦有所不知焉夫婦之不肖可以能行焉及其至也雖聖人亦有所不能焉君子之道造端乎夫婦之所能行而極乎聖人之所不能知是以學者不知其所窮夫如是則惻隱足以爲仁而仁不止於惻隱羞惡足以爲義而義不止於羞惡此不亦孟子之所以爲性善之論歟子思論聖人之道出於天下之所能行而孟子論天下之人皆可以行聖人之道此無以異者而



子思取必於聖人之道孟子取必於天下之人故夫後世之異議皆出於孟子而子思之論天下同是而莫或非之然後知子思之善爲論也

述孟志二篇

終南先生

余讀孟軻書然後知聖賢之道千古若符契而不違也蓋孔子之道非軻則不明軻之書非尊孔之道則不傳後世有論管仲桓文之事者或非於軻嗚呼軻之志豈有異於帝王之道哉故述上下一篇以明孟子之志云

述孟志上

孟軻當周之衰其道亞孔子而與堯禹並然孔子孟皆無其時與仁故立乎言存乎教光於無窮行乎後世利於天下與覆載並功與日月並明其道德禮法施于生民賴于今日者其功豈下帝舜之極四凶大禹之平水土者邪則孟軻之志猶天子也其志在乎施仁義與禮樂而行王者之事也故曰仲尼之門無

桓文之事者無以則王乎是豈不能伯事哉蓋小之也故曰以力假仁者霸以德行人者王以力服人者非心服力不賡而弱不利強也以德服人者心悅而誠服於天下無不順也當周之衰戰國交暴則皆思強其兵利其貨而爭奪不息也當此時民之厭兵如思解倒懸走避水火也故曰行王化者惟仁者能之不嗜殺人者能之使軻佐聖人而與周旋其道以仁伐恭紆解民難則天下之民將望而從之誠所謂時刑之不若也必能隨時設教脩正礼法先於生民和於天下功及億兆是皆王化也使襄周得軻而用之則襄周不為衰而宣王中興之業復可致而及之也凡道之修仁之行活生民和天下功等於堯舜禹湯文武之君者豈伯者之所能及哉故孟子小桓文而不道英管仲而不為者此

述孟志下

孟軻因曹西而言曰管仲得君行政則如彼其事且久也及夫

立功致君則如彼其卑也管仲曾西所不爲也非軻者則曰爲國者豈有他哉富其民強其國胡不曰帝王之強名王伯之異号歟適其時而已矣使桓公管仲當紂之時則安知桓不爲武王仲不爲太公哉嗚呼是何言之過歟爲目者當勸其忠忠在位者當務其竭力豈可隨時自順保位自尊以違其親後其君乎昔文王百里爲紂諸侯仁明神聖修法祖德紂方肆虐拘文王於羑里於是賢哲營救卒免於難復居西土質殷附之訟致二老之歸由是觀之半天下而爲周矣文王猶率諸侯以奉紂而思尽忠於商然武丁未遠賢目尚哉若微子管仲王子比干膠鬲之徒諍者死遁者即周乃知率土之濱尽爲周矣文王既沒紂惡愈侈武王猶再會盟澤而翼紂悔禍泊乎牧野之戰倒戈相攻始革商造周止暴息難以安天下民以順天下義然後保其收焉示不復用基業傳于子孫者迨七百年可謂盛矣在桓文則不然也桓師于俘僅能平楚晉戰于濮纔能退敵

豈足振周室之中衰削吳楚之僭暴使復泰周之礼法復周之職貢其征伐之事復自周出併天下復知有天王之尊桓文曾不是謀耶是不能耶是不欲耶管仲言而桓不納耶五臣道而文不信耶天王狩于河陽晉文不為順楚王僭於位号齊桓不能正齊晉據千里土疆非同周文之百里列國徧隘豈若勢不能強大周天王寵桓文勲伐文非周文之姜里居厚信則不能盡忠處重位則不能尽節當其職不能行其事逢其時不能救其難果隨時保位為是耶或曰周室未可革易故順而至此則豈无市侯申伯召穆振起中興之道哉管仲五百輔其君使盡忠立功於王朝則庶幾桓文階於申甫召穆也而非輔者去唐虞夏以其道自帝三代各以其道自王二公各以其時自霸豈聖人立言垂教勸忠之意哉則曰管仲得君行政如此而行且又也立功致君則如此其卑也信乎

孟子曰堯舜性之湯武反之意以四聖者或性稟仁義或反之求  
仁義有遠近有升降不可以有而語謂二帝三王之尊異号殊  
名其所以為聖一也安有等差乎中庸曰自誠明謂之性自明  
誠謂之教性與教聖賢之分定判至堯粹疑為財用攬焉而弗  
濁紛焉而弗垢其中也不勉其得也不思出處語默從容皇極  
者聖也孔子稱生而知之安而行之之謂矣審問然後定慎思  
然後固明辨然後察者賢也孔子稱學而知之利而行之之謂  
矣若湯武挺神異受大任同符天德合節人紀尚曰反求而禾  
性則代犧蒯賜惻隱之淳誠果孝而知之耶吊民伐罪應順之  
不業果利而行之耶辭之不達有至是者嗟乎性之紛亂也久  
矣自梁木告壞師謨中缺三子雖力擴描議覲闢儒闢然亦有  
任獨斷溺偏見言乎皆善者是天不貴於聖舉乎皆愚者使人  
得稔于姦混而論之者則止述中賢而遺其上下末世墮鷺異  
非交構聖範莫也可授而質焉數辭曰形而上者謂之道形而

下者謂之器。上聖脫道而達變中材造形而悟理。下愚執器而不反達。變故教化有所祖。悟理故制度有所襲。不反故刑罰有所施。此史論之確然。則堯不可謂之賢。降之也。賢不可謂之堯。餅之也。苟問而不忘。思而不逆。辨而不懈。力其成功。則庶乎道而幾乎堯矣。惟堯舜禹湯文武周公孔子不然。

辨孟中

同前

孟子曰。尺信書不如尺書。豈暴武成取二三策而已。仁人無敵於天下。以至仁伐至不仁。其血流漂杵。吾謂非孟子之言。記錄者誤。撫非語。亦請得以推而辨之。夫博施以安動植仁之道也。資救以止暴戾仁之權也。道可常。抗而不可常。用用之者。時也是故。俗阜民睦。繩之以過制。則政促而化不達。俗蔽民察。集之以常調。則事泥而功不立。帝之授受。王之吊伐。皆暴理蹈機。變時權焉。吾奉身以登非貪夫也。時兵馬吾順禽以問罪非忍人也。故其舊我績建鴻業。雖以革異軀而惠民救政之用一。

也古人所謂易地而處則甘然較其詳矣當獨夫肆威邦紀敗  
擾忠梗賢善動罹毒螫故援茲附勢之臣稔嚴色黷貨利刀鋸  
割而爲之左右前後爲群呼黨噪萃聚淵數民之望周若傾溝  
壑陷塗炭惴惴乎俟拯援之力苟奉天行罰者授懲惠賴小道  
偃戈束戟而曰吾不欲傷一命吾不欲殄一仁彼兇渠之浸惡  
汙俗之久染其能坐以底乎是皆以子子爲仁非吾所謂仁砥  
礪爲義非吾所謂義吾之仁蕃息而厚之之謂也吾之義折中  
而處之之謂也況六經之作爲天地並皇自焉帝恢焉庶類之所  
以成生民之所以居毛枯能事悉備於是仲尼固其本而後植  
之故五常百行秩序銓揔微而顯肆而會疑乎其若止沛乎其  
若流無過也無不及也引而伸之則參日月質鬼神而不疑焉  
若謂不足以自信是以聖人矯惡溢美以欺後昆乎噫梁木壞  
橫議作天下之人不之揚則之墨加以締邪構僞放蕩不法者  
屬而和焉憲章之猶存空言耳孟子懼抗辭以訶詆之故其

曰能言距楊墨者皆聖人之徒也盡瘁如是尚若以杯水救一車薪之火難哉其爲力也豈復有授戈饋糧而資勦敵乎則斯言也謂之記錄之罪可矣若固執以咎孟子非吾所聞

辨孟下

姚應問曰臯陶爲士舜爲天子瞽瞍殺人則如之何孟子曰執之而矣然舜亦不禁欤曰舜視天下猶弃弊屣竊負而逃遵海而處終身欣然樂而忘天下嗚呼果孟子之言哉何迂闊怪誕之若是且天之生斯民也有黨類以附勢有嗜欲以招利一不順則爭亂興故諄諄然授之以君俾享壽其命勞佚舒慘溱溱淑慝者皆係焉故其處之也非利乎子女玉帛之爲樂非微乎金湯兵革之爲衛非苟乎銅鹽山澤之爲富非寧乎衮冕旂裳之爲貴蓋當天命者不可以存讓懼違天命也處羣衆身不可以獨善處逆人也違天者暴物之始逆人者殘民之本君所不爲是故 授禪之方行則膺歷試納大麓登庸舊咻視若已有者



順天命也授禪之既絕則誅四凶鑒元凱則付四親焦勞不暇  
者憂民窮故也純仁篤愛充物比屋猶且憂憂然齊慄畏慎今  
其言曰視棄天下猶弃弊屣不亦誣先王賊大教之惑甚乎且  
舜之於瞽瞍父子之義也臯陶之於殛君臣之節也事親有常  
道奉国有常憲一殺戮一罪戾聖人豈不能酌情應變陳會大  
中之典俾孝先傷性忠先失職而及流離神器頻挫重柄竊負  
以遵海濱雖硜硜淺丈夫其果如是乎仲弓有言惟器与名不  
可以假人况帝天下者又敢輕授哉或曰當姬氏淪喪群兇跋  
扈狼齧虎噬爭僭大位故孟子假詞託事以懲其釁對曰誠而  
教之者謂之道跡而施之者謂之教道本平身教刑乎人是故  
得位者為命令為政教失位者為記事為立言言一不減拾禍  
千古矧軒轅辟臆度以垂示不朽如後世何斯皆孟子既沒萬  
章公孫丑互錄對問之跡或忘誤事實倒載簡策貽釁幾至李  
其道者援而廢之可也噫其亦教輔之謂乎

新刊國朝二百家名賢文粹卷第四

新刊 國朝二百家名賢文粹卷第五

論著

歷代人臣一 西漢

張釋之論

龜山先生

君子欲訥於言而敏於行利口捷給古人賤之若上林苑居其位不知其任至十餘問不能對是謂不任職非訥於言者也釋之以絳侯張相如方之過矣文帝問絳侯天下一歲決獄幾何絳侯不能對又問天下錢穀一歲出入幾何又不能對帝以問陳平平條析甚辨文帝善之絳侯愧乃治背自以其能不及平遠甚若是以絳侯爲賢平爲喋喋可乎余謂上林苑真主賴而虎圈畜夫雖口對亡窮然上所問乃其職事非利口捷給也豈足深過之歟

張釋之論

東萊先生

張釋之論秦之敝曰其敝徒文具亡測隱之實焉呼文具之弊

非特秦之所以亡實古今之通患也昔之爲治者實未具則文亦不具未能防民之僞則不敢爲作樂之文未能約民則不敢爲恭儉之文未能行惠則不敢爲寬恤之文以至於政教賞罰有毫釐之不備誠心惻然務從施惠初未嘗虛飾焉故其過人得以議之其失人得以指之見其偏則可以矯之使正見其闕則可以修之使全猶按脉以治病虛實燥濕緩急浮沉无錙銖之不見然後隨其病而投之湯劑加之鍼石其不瘳者鮮矣至於末年之弊无其實而有其文家挾周孔之書而俗益薄人佞司馬之法而兵益懦人誦夷齊之清而行益汚人有龔黃之名而政益亂問其詔令則堯舜之典謨也問其典章則成周之禮樂也入其國觀其朝其文煥然雖治古之時有所不及然徐考其實乃與桀紂幽厲同出一轍上以虛名取下下以虛文欺上上下相欺以罔天下雖有忠臣義士欲正言極諫亦无所容其喙矣欲言任賢則君已先言李元凱矣欲言去邪則君已先言

流共縣矣欲言勤勞則君已先言曰昊不食矣欲言敦朴則君已先言其茨不剪矣獵諫諍之辭而先自言之開其口而奪其氣覆藏潤飾使无過之可譏而无失之可指无偏之可矯無關之可修偃然自以爲得計矣嗚呼爛瓦解然後不能文焉釋之之言誠天下之公患也嘗以西漢觀文宣之世漢之盛也平帝之世漢之季也以文帝之寬仁有野不加闢之詔有水旱疾疫之詔有結難連兵之詔以宣帝之名而有屯戍未息之詔有百姓失職之詔有盜賊不止之詔豈非有惻隱之寔而不為文具耶乃若平帝之世觀其文辭興滅國繼絕世立明堂辟雍休耕嘉應頌聲並作而大業潛移於王莽文具之害乃至於此後之爲治者其知所去取矣

竇嬰田蚡論

東坡先生

竇嬰田蚡俱好儒術推轂趙綰王臧迎魯申公欲設明堂令列侯就國除閹以札為服制欲以興太平魯太后不悅趙臧下吏

嬰蚡皆龍觀嬰蚡所為其名亦善矣然嬰既死志自喜蚡又專為茲利太平豈可以文致力成哉申公始不能用穆生言為楚人所辱亦可以少懲矣晚乃為嬰蚡起又可為一笑鳳凰翔于千仞焉為彈射不去誠非虛語也

武安侯田蚡

王學士補之

武安侯專恣驕溢人也无足載者然其為相時漢興六世矣尚未遑稽古礼文之事實石又以黃老之李蠱於持五聖人之道不絕也者亡幾耳當是時也朝非無好古達變之士也皆嚙黑偷託而不以為言獨蚡也疑然推舉遺逸尊尚儒術以礼為服制繼黃老刑名百家之言天下之耳目始稍稍開發是則使吾聖人之道傾跌而復起者大率蚡之力也惜也能不專恣驕佚則雖古之名相何以加諸

竇嬰灌夫田蚡

龜山先生

景帝燕兄弟欲以天位傳梁王竇嬰以漢約直之忤太后旨可

謂不阿矣及爲丞相推轂士類尊用儒術雖藉福之辨不能遷  
惑其所守直已以往不撓權貴其節義有足稱者至晚節末路  
失位不得志而与權夫相爲引重三公者並位公侯顯名當世  
其平生意氣何其壯哉田蚡以外戚進顯諸君無度尊已以下  
人壯夫義士且恥出其門而二大者乃幸其臨況以爲名高其  
志慕又何其汙也蓋驚勢榮者勢窮則辱而氣隨以奪其理然  
矣若權夫者勇悍不遜有死之道焉然以一朝之忿其身非  
自取歟竇嬰區區復銳於爲救果何益哉故卒與俱滅是亦不  
知量也田蚡規利賣國其不族幸矣

轅固黃生

東溪先生

轅固生與黃生爭論景帝前黃生曰湯武非受命乃弑也轅固  
生曰必若所云是高帝代秦即天子位非耶景帝曰三季子者無  
言湯武受命不爲愚遂罷是後季子者莫敢明受命放弑者東漢  
先生曰湯武放弑其主雖湯尚自知之况清議乎故曰自有愚

德恐來世以口實考武王則夷齊嘗以爲諫矣黃生非之  
是亦杜亂臣賊子之端也景帝非之而學者遂不敢言是後魏  
取之漢晉取之魏曷嘗不援舜禹湯武以自許耶六經百氏多  
出於周末諱而不言爲周諱也漢之人又爲漢諱自是而下至  
於今而尚以爲晉代代以其事而有天下代代之人各爲其主  
諱習氣久矣然則當代之書受命者在前代皆宜書叛也

郅都論

鄧賢良

漢氏無三代禮樂爲治然其盛也至於移風易俗黎民淳厚庶  
幾於古嘉瑞應而頌聲作者循吏之爲也然其間酷吏竊成周  
紆黃昌義縱嚴延年之徒以嚴刻誅殺爲名者固循吏之罪人  
也班范爲酷吏傳皆以道德齊禮之說誠足以警動於後然治  
民者不教而殺聖人惡之目之酷吏可也其有立朝正色不避  
強禦當官死節推抑權倖而誣之以爲酷吏非也郅都爲中郎  
將敢直言面折大臣於朝爲人公廉不諉私書問遺無所授請



寄無所聽自言背親出身固當奉職死節終不顧妻子矣濟南  
睢民豪猾者三百餘家都止誅其首惡而郡中股慄都在朝條  
侯不敢貴倨在邊匈奴不敢犯塞此都之為人也謂之剛毅忠  
直可也謂之酷吏非也東漢之治惟光武明章三主耳孝和而  
下率皆昏弱女主擅朝外家用事政出官寺中直誅戮以致海  
內濁亂陰陽變動靈帝時楊球為司隸校尉不數日以太尉殺  
段熲詔附貴倖立收熲及宦官王甫等九人及甫子弟為守令  
姦猾者皆戮威都市中外稱慶即為中常侍曹節所逐球猶奏  
靈帝願陛下假臣一月必使豺狼鴟梟各伏其辜遂為曹節誣  
陷下獄誅死此球之為人也謂人忘身殉國可也誣以為酷吏  
非也噫治民者不教而殺聖人惡之謂之酷吏宜也奉職死官  
不避豺虎聖人與之也七日而誅少正卯斬侏儒以折辱齊侯  
聖人為之也不可同也班范擯忠直死節之臣載酷吏之列非  
也巨懼后世排死節否正直私意而誣筆者猶誣節忠直而列

酷吏也故離而辨之

漢景用郅都齊成

五峯先生

漢景以郅都齊成爲中尉以嚴酷治宗室貴戚人人惴恐夫親親尊尊之道必選天下有節行賢德之人爲之師傅爲之交游則將有大人君子可爲天下用何有憂其犯法邪治百姓亦然修崇學校所以教也刑以助教而已非爲治之正法也

亞夫霍光不知道

同前

周亞夫霍光不學不知道能進不能退殺身亡宗是功名富貴誤之也知道者屈伸通變與天地相似功名富貴何足以病之張子房進於是矣

霍光論

雷夏先生

議者多以光受遺命輔少帝比之周公又以廢昌邑王立宣帝比之伊尹此功德相万不待論辯而明矣又謂光之族也光已死罪在妻子不在光愚以爲光自族其家非顯禹之罪也何

者當宣帝時光以定策之功負震主之威人臣莫與爲比妻顯  
驕恣欲貴其女而酖許后事垂發矣妻以告光光不能于此時  
明大義滅親之道收顯下獄免冠請罪因上印綬還政事則所  
誅者唯顯一身而已嗚呼李不深思不明者恣私恩猶豫不決  
奏免太監以藏大逆身死之後卒緣此而致禍非光自族其家  
而誰爲之耶石碯一人臣也殺其子而春秋義之吳起一將軍  
也劒其妻而史記壯之況居伊周之位者乎故曰能正其心然  
後能修其身脩其身然後能齊其家齊其家然後能治其國光  
之心于斯見矣衛太子之死也天下寃之故大福歸于皇孫則  
宣帝之起天也當丙吉問獄門拒使者武帝曰天使之然也然  
則光貪天之功以爲己有焉夫日磬之割愛丙吉之讓位德不  
侔矣且貪天之功者鮮不及也愚故曰光自族其家非顯禹之  
罪也

古之人惟漢武帝號知人蓋其平生所用文武將帥郡國邊鄙之臣左右侍從陰陽律歷博學之士以至錢穀小吏治刑獄使絕域者莫不獲尽其才而各當其處然猶有所試其功效著見天下之所共知而信者至于霍光先无尺寸之功而才氣數術又非有以大過於群臣而武帝擢之於朝人之中付以天下後世之事而霍光又能忘身一心以輔少主憂於廢立之際其牽措甚閑而不乱此其故何也夫欲有所立於天下擊搏進取以求非常之功者則必有卓然可見之才而後可以有望於其成至於捍社稷託幼子此其難者不在乎才而在乎節不在乎節而在乎氣天下固有能辦其事者矣然才高而位重則有僥倖之心以一時之功而易方世之患故曰不在乎才而在乎節古之人有失之者司馬仲達是也天下亦有忠義之士可託以死生之間而不忍負者矣然狷介廉潔不爲不義則輕死而无謀能殺其身而不能全其國故曰不在乎節而在乎氣古之人有

失之者晉有息是也夫霍光者才不足而氣節有餘此武帝之所為取也書曰如有一介目斷斷荷死他技其心休休焉其如有容人之有技若已有之人之彥聖其心好之不啻若自其口出是能容之以保我子孫黎民嗟夫此霍光之謂歟使霍光而有他技則其心安能休休焉容天下之才而樂天下之彥聖不忌不克若自己出哉才者爭之端也夫惟聖人在上駢天下之人各走其職而罕用其所長苟以人臣之勢而居于廊廟之上以捍衛勿冲之君而以其區區之才与天下爭能則數目小人有以乘其隙而奪其權矣霍光以匹夫之微而操殺生之柄威蓋人主而貴震於天下其所以歷事三主而終其身大下莫与爭者以其无他技而武帝亦以此取之歟

霍光論

跨黿先生

上通古今斷以大義乃能行天下之忠為人之所不能為者如霍光豈忠臣耶其立孝昭武帝已有定議矣殺鉤弋得聖人先

見之幾盡周公圖示後人任重之責而又有金日磾張安世之  
謹慎彼霍光雖欲不忠不可得也昌邑淫亂廢之當然耳田延  
年發其端光不知古延年以伊尹事太甲譬曉之光乃肯合謀  
其忠於漢光未嘗忘之於心也人倡之人驅之雖欲不忠不可  
得也顯謀納女毒殺許皇后雲禹山等為逆謀光知之而不告  
茲得為忠乎凡漢不忠之臣請以光冠其首孝昭之立安謀始  
於田延年延年之死光不之救孝昭无嗣戾太子之寃天地日  
月為之不平求孝武之後非皇孫而何則孝宣之立大義明矣  
光不啓其端酈吉力陳之而光乃始就議及其推功乃不以歸  
吉而身自尸之光得為忠乎其家族滅天道至此何其昭昭恢  
而不失矣或以光為社稷之臣社稷之臣固如是乎

霍光論

前谿先生

傳曰宰相自有躰也田文不及吳起公孫不及買臣是才誠有  
所不追也田文宰魏公孫相漢是器量有以過之夫天下固有

明經而爲相者矣乎居無事雍容談笑廟朝之上謀無不當策無不中及夫主幼國疑之時諸侯四夷方將視此一舉以爲向背而屹然端靖招之不來麾之不去公心足以砥浮氣重德足以壓邪心此固非經術之士所能辦古之人有能之者霍光是也觀光事武帝二十餘年無一功可紀一能可錄使武帝尚在則光不過乎謹厚庸人耳然至於廢置擾攘之間反能辦之而無倉皇之態功等伊周此無他惟光不涉李問故也爲相而不涉李問雖三尺童子知其不可然理有不然者蓋多聞博識則必道古今之情究事是非之變慮深計遠既欲事主也又欲全身往往撓大臣之節而不能斷霍光則未嘗李問也取古之所爲是者行之而已武帝託我以幼孤我知事而已昭帝無子我能立之昌邑不道我知廢之見義勇義不暇慮前顧後援古證今也是以氣完而節固嘗試使經術之士當光之時則將徘徊審度以謂世不若商周之淳身不若伊周之聖且流言興而朝

廷疑將有所不利於我也事未定而已沮矣烏能有所建立哉  
嗚呼為相之患患在暴著而急於有功得一日之柄遂悻悻  
然驅為尸祿素餐之人陳一言興一事以動天下之耳目以興  
休聲美譽之集我也故天下皆得而議之是相之末節也若光  
者豈有恤於此哉故經術之士可使之開飾於太平之時至於  
危疑交故非霍光之徒難矣

霍光論

後山居士

有其才而無其節者司馬懿是也有其節而無其才者荀息是  
也有是二者成功而去伊周是也有是二者守而不固霍光是  
也光承武帝孤幼之託天下之寄黜昏陟明全而歸之承征伐  
之後公私兩弊而十數年間內豐外服光之功有三焉然以私  
愛冒大義隣於奪矣其幸宣帝智而不爭使之爭則未可知也  
昭長而宣立既不能去又不歸政光之失亦三焉史氏謂不辜  
無術闇於大理而或以謂人倫逆順雖不辜而知之曰礪老胡



而者忠孝何待於李焉乎李則明否則似理之常也不李而能者資也資可常乎夫義有由之者有畏之者由之者道也畏之者李也李而後知畏也畏聖人之言也光之不勝私以其不知畏也光善人也使其李而知畏其肯出此乎豈特如此其肯以婢爲妻乎則除患於未然光之三失其皆出於此乎或者又謂節而不才然保人之幼全人之國天下危而復安此皆才之大者至其結婚金與上官以宰相子守關與武庫親同列而慮患有急而求符璽又皆有以過人特其才有能否尔雖然中人而下亦不能具也或又謂曰碑不肯納女後宮而光以爲后曰碑殺弄兒而光陰妻爲不軌光之守節誠有不如至其功亦非曰碑所及也始光推曰碑而謂匈奴輕漢此其志有過人者惜乎不之盡也

霍光震主之禍

東溪先生

宣帝始立謁見高廟大將軍光驂乘上內嚴憚之若有芒刺在

背反光身死宗族誅俗傳之曰威震主者不畜霍氏之禍萌于  
廢乘東溪先生曰宣帝始立畏霍光亦猶懿宗之畏李德裕也  
故曰向授策者得非太尉乎願見之令人毛髮森然二人相  
去數百年而震主之禍同一轍

霍光得失

南軒先生

霍光天資重厚故可以當大事而其所以失則由於不學之故  
也人臣之功至於周公無以加矣而詩人形容其盛德則曰公  
孫碩膚亦几焉几夫何其溫恭謙厚是則雖以天子叔父之尊  
處人臣之極位有蓋世之功業而玩其氣象豈有一豪權勢之  
居而人之視之也但見其道德之可尊而亦豈意權勢之可憚  
哉孟子曰事親若曾子可也而後之君子亦曰事君若周公可  
也如曾子之事親適為人子之能盡其分者耳非有加也如周  
公之事君亦然蓋在其身所當為者而何一毫有於已也周公  
惟無一毫有於已也是故德盛而愈恭事業為無窮也光之所

建立想負於其身橫於其心而不能以弭忘唯其不能以弭忘  
故其氣燄不可掩威勢日以盛權利之塗人爭趨之非惟家人  
子弟門生故吏馴習驕縱而不可戢光之身亦不自知其安旦  
肆矣此凶于乃國敗于乃家之原也可不畏哉故其一特用舍  
進退例出于私意以蘇武之忠節進不田已僅得典屬國而大  
司馬長史雖如楊敞之庸謬亦得為宰相至如魏相蕭望之之  
材皆擯不用田千秋小不當意則其婿即論死作威作福蓋如  
此陰妻之邪謀未論其不能自戢於後使其妻邪謀至此而人  
敢為之助而無復言其奸則履霜堅冰馴致其道夫豈一日之  
故哉光至此亦無全理矣原其始皆由於其心以寵利居成功  
不知爲人臣之分故曰不學之過也雖然後之儒生如班固輩  
蓋知以不孝病光矣然使其當小利害僅如毫髮鮮不喪其所  
守望其如光凜然當大事屹如山岳其可得哉然則光雖有不  
孝之病而其自得於天資者蓋有不可及後之儒生雖号為孝

者譏議前人而返無以自立則亦何貴乎孝哉予謂人才如光  
輩事者要當觀其大節先取其所長而後議其所蔽及身而察  
焉則庶幾為蓄德之要不然所論雖似高亦為虛言而已矣

新刊 國朝二百名賢文粹卷第五

新刊國朝二百家名賢文粹卷第六

論著

歷代人臣二百漢

狄山張湯

東坡先生

謹按漢制博士秩皆六百石然朝廷有大事必與丞相御史九卿列侯同議可否蓋親儒臣導經術不以小臣而廢其言故狄山得與張湯爭議上前此人臣之所甚難而主之所欲聞也溫顏以來之虛懷以受之猶恐不敢言又況如武帝作急憑怒致之於死乎故湯之用事至使盜賊半天下而漢室幾亂蓋起於狄山之不容也

張湯論

鄧中丞

或問張湯漢之深文法吏也而其子孫珥貂蟬侍帷幄封爵至七世而不絕漢功自子孫無如湯之盛者矣深文法吏而能有後者謂天與之也所謂無後者天絕之也夫天絕之者蓋欺天

者也。今夫人曰：高爵位貴，食生人之祿，享生人之奉，養其蠹賊而莫之去，縱其蛇豕而莫之顧，偷安於世，擇利於已，而曰：吾不害物，以望陰德之報，其不得已者，則擊搏狐鼠而畏避豺虎，侮虐鰥寡而附益強禦，噫！世之能為是者，非欺天者歟？積為寃以終其天，得不絕之欤？按張湯事實，湯為漢更律令，務在深文，拘守職之吏，有善則上歸于上下，推於掾吏，其治獄則曰：所值者強，強必舞文巧詆，所治者羸弱，常於上前口言雖文，致於法，辛上裁奪，往往得釋，以是觀之，則湯之更定律令，務在深文，責守職之吏，與夫世之人目偷安，擇利養蠹賊，縱蛇豕者，異矣。湯之用法律，在誅勦豪強，哀矜羸弱，與夫世之人附益強禦而侮虐鰥寡者，異矣。噫！湯雖深文法吏也，積不欺以終其身也，天所當也。且其子孫珥貂蟬，侍帷幄，封爵至七世而不絕也，而為史者隨聲背實，引湯治淮南獄及誅嚴助，伍被二事，證湯誅諸侯，巧排大臣，今攷淮南之逆，亂助被之邪，惡誅有餘矣。湯獨誅

而巧排之忠矣足以見史筆之誣飾也噫人臣有奉公嫉惡不欺于天不欺于人其生也盜憎民惡其死也良吏從而與反以積欺苟容者為賢無以勸忠矣按湯雖不修文學而能薦接天下賢士大夫身死之日家產不直五百金所得俸賜無他贏餘而丞相三長史畏湯遠誣陷之噫湯忠死且宜其獨有後於漢也

司馬相如

東坡先生

司馬相如諱事漢武開西南事之際及病且死猶草封禪書此可謂死而不已者耶列仙之儒居山澤間形容甚癯此殆得果人也而相如鄙之作大人賦不過欲以侈言漢武帝意也夫所謂大人者相如孺子何足以知之若賈生鵬賦真知大人者也

相如開創西南夷路

同前

司馬相如始以所行不齒於蜀人既而以賦得幸天子未能有所建明立然毫之善以自贖也而創開西南夷逢君之遇以惠

苦其父母之邦乃復矜其車服節麾之美使邦君負弩先驅登  
詩人致恭桑梓萬石君父子下里門之議平卓王孫然富貴  
也故眩而喜耳魯多君子何喜之有

相如之諂死而不已

同前

司馬相如歸臨邛令王吉謬為恭敬日往朝相如相如稱病使  
者謝吉及卓氏為具相如又稱疾不往吉日往迎相如觀吉意欲  
與相如為率錢之會耳而相如遂竊妻以逃大可笑其諭蜀父  
老去以諷天子以今觀之不獨不能諷幾殆於勸矣諂諛之意  
死而不已猶作封禪書相如真可謂小人也哉

司馬相如論

宛丘先生

司馬相如雖以文章事武帝而慨然有君子之風蓋其心不專  
以其長易寵祿又有不忍欺其所知者東方朔論上林苑害民  
田考為正諫拂人主之欲而相如上林其終所陳與方朔何異  
且相如事系帝遊梁竊恐不偶亦惠春矣起而逢其合持末技



以求售此常人之情惟恐失其意也發惡未可必而諫及之此其心似不志於利者也其後為帝開夜郎通西南夷既至獨得其父老之說頗自悔其失作書為諭蜀而實以風夫既已開其利於前矣徐覺其害又不忍默又此其心似不忍自欺者與夫遂非而忍愧者亦異矣始相如自以慕蘭相如彼其從來有足觀者矣

王韓論兵

東坡先生

王恢與韓安國論擊匈奴上前至三乃復安國初持不可擊甚堅後乃去意者有他諉巧可以禽之則且不可知也安國揣知上意所向故自屈其議以信恢尔不然安國所論殆天下所以存亡者豈計於諉巧哉安國少貶其論兵連禍結至漢幾亡可以為後世君子之戒

韓安國論

前谿先生

獻言於君者必先審處其事之成敗利害之變思之也精講之

也孰貴於古而無疑施於今而不悖固執而篤信之雖浮言交  
至而一定之論確乎其不可移夫然石事有所濟而功有所成  
豈辨於衆人之論悠悠然無所持循哉且夫君子之論事也非在  
乎勝口紛紛之際也一可一否係天下之休戚忠言讜論既已  
一出則富貴不能誘貧賤不能脅雖上喜下悅君怒衆怨而其  
論未始輟變也安國與王恢議匈奴恢曰擊之便安國曰和親  
便往反難詰至於四五安國所以不屈於恢者安國誠知當時  
之計便於和親而不便於征討也是安國豈不為明智通達之  
士哉及恢創馬邑伏擊之議而安國乃縶無一辭而又為之將  
兵同至敗事是先王之於夷狄雖以異類畜之然其制馭之上  
策未嘗須臾離於信義信義大矣彼猶不順命于我則師出有  
名而有必勝之理今恢建言欲詐誘匈奴于馬邑而殺之借使  
計成事遂漢之信義亦先亡矣此在安國豈可默默哉安國向  
也以擊之為不便則其詐誘而殺之得為便乎議孰異矣固宜

無與乎其間而乃為之東麾杖鉞号令三軍反面行恢之或異  
此豈大臣所以事天子耶昔人有惡人之為盜者責之曰盜  
小人之事不可為也為之必喪其身其人笑曰汝未知為盜之  
利害試往焉惡為盜者忘其初言乃為之負囊裹糧先入後出  
唯恐穿窬之不至而主人之覺也夫其始戒人之為盜也豈不  
善而終則更出智力以助益之可不嗟乎安國之事何以異此  
夫和親誠國家之至策惜其持論之不堅朝是夕非然則君子  
之所為國慮者安可無所執而蹈詭隨之行歟

汲黯論

崔正言

漢武以雄才大略威加海內衛霍之倫旌旄所向隨輒破滅嚴  
助朱買臣司馬相如等東馳西說無不如意當是時天下諸侯  
聞風震恐拱手脅息而不敢動淮南乃獨奮其狂謀與有以移  
漢至黯一介之臣直以守節死義而遂憚之何也曰畫陰謀出  
奇計立一日之功當時才智之士舉足以辨之然才與智爭之

器也非所以服天下也服天下者何也曰氣也何謂也曰刑賞  
者足以勸天下之心而不足以服天下之氣何以言之利之則  
趨害之則避者心之所擇也至獸以至大而不悲劫以至衆而  
不恐刀鋸鈇鉞設于前鼎鑊陳於左而不變者此何物哉  
是之謂氣也譬諸水觸之則鳴激之則怒壅之則不知山之為  
高谷之為深而必決至疏為大河為巨浸放乎數千方里以順  
其所之則水無事矣三代之盛時以直道服天下之氣譬猶風  
恬雨霽海波瀾不驚安流而赴諸海也義道微則縱橫汗漫有不  
可禦之勢卒乎大亂橫流而後定故漢興一統精用仁以馴服  
之訖數世而小安元成而後恭顯弄權諸王竊命孔光張禹之  
徒坐脩邊幅以自託於儒術而不肯救天下之氣固以不平連  
延訖於光武寧相之首儉貞守法中世而下三公率用庸人故  
其弊則胡虜趙成之倫紆徐百折与世偃仰而佞夫盈朝賞罰  
逆施天下之人叩地號天奔走赴愬而無所聞豪傑俊偉之士

不勝其忿遂將奮其拔劍以誅之而不可得於是退而結天下  
賢士仗忠憤為干櫓持高論為戈矛共起而攻之以發其盤石  
怨怒之氣四海之內波蕩而從之卒乎大獄連興禍連延結而  
漢亦由是以亡故曰刑賞者可以動天下之心而不可以服天  
下之氣也雖然御天下之道有二曰權與幾惟其權可以通天  
下之變惟幾可與成天下之務何則天下安危成敗之勢顧其  
風俗何如耳其好惡趣舍必極其所之而後變及其幾而圖之  
高居拱手而天下凡事不然雖有聖智不能復收故大木之傾  
非一繩可維所以發徐雅之歎也

以賢論

陸龍先生

汲黯生高帝時其位不在蕭曹下其智謀出張良陳平上其體  
直非王陵周昌比使生文景時但能優容而已矣其言果必能  
用也乃生武帝時武帝之字略強明勇斷不可犯其可切直觸  
發之耶取死必矣要之義理在而遇強明勇斷者未必死也予

嘗謂黯之臨事進諫史不草草先素定裁處於胸中而后蒞觀其使東越至吳而還報曰越人相攻其勢常然不足辱天子之使河內火使黯視之曰家人失火不足憂過河南擅發粟以賑貧民得使者大體諫不迎渾邪之降請以身代長安令死言胡人之入市買長安物不當以關出財物于邊關發帑知者文士方為神馬之歌以媚上黯謂先帝豈能知其音又言殺賢士將盡誰與共治面折公孫弘之佞陰消淮南王之逆平禍大將軍青數御史大夫湯之詐當時凜然可畏雖王上不冠不敢見豈特近古社稷之臣哉非近之也真社稷之臣矣

汲長孺

定菴居士

司馬遷謂汲長孺見公孫洪至丞相封侯張湯至御史大夫褊心不能无少望夫以長孺高風勁節獨立不懼凜凜乎三代遺直武帝好嫚群臣而不冠不敢見淮南王謀反憚其難威以非此何等輩人其視張湯不止猶蜚至也肯與之爭功名乎哉

特疾惡太甚恐其懷詐飾智深文巧詆終亂國家真可惡耳嗚呼  
西漢俗尚諂諛迂雖曰負不羈之才而區區一心營職不過欲  
親媚主上又烏能足知長孺哉東坡稱本朝太宗時士大夫猶  
有西漢風况在今日乎其間端直之士立朝挺挺奮身為國排  
擊茲邪而世俗不以褊心譏之者鮮矣可勝惜哉

汲黯論

曲肱先生

漢高帝不喜儒制漢基者未嘗之人武帝好儒而漢業病矣宣  
帝不喜儒而中興其子元帝好儒孝宣之業衰焉夫所謂儒者  
政賴以扶持宗社輔成人主而漢之數君用儒者輒不効不用  
者皆有大功予以是知汲黯之毀儒面辱公孫其意深矣昔者  
沛公以三尺劍取天下良平為柄韓彭為鋒灌逢為鉞蕭曹為  
脊樊鄴為鐔一卒而施惠於秦再卒而鉏耒於楚當是時也如  
執虞舜之干羽如秉周武王之旄鉞如五經所規春秋所是君  
人治國之道不遺毫末矣彼數公者屠沽刀筆之下庸哉教化

斟酌仁義裁布公以行其素心皆問阿衡呂尚父之事業謂之  
非儒者可乎至武帝則不然所恃以為真儒而用之者公孫  
丞相一人如汲黯之正直純誠質厚遠謬庶幾古之十六人也  
帝知其為社稷臣而畏之數以耳目不用然尊寵公孫洪而  
天下輕之雖不用汲黯而天下重之故淮南之反視洪如數家  
振落而獨憚內史也方洪徒步對策時知武帝欲有為已能刺  
取上意以謂晷年而變臣尚切遲之卒以誦至宰相張敖尉  
桑大夫為之時朕而高帝之法紛然亂矣予以謂武帝之治窮  
兵黷武盜半天下以用公孫洪故至於此然而英雄不敢起未  
至於亡國者以汲黯在朝故也由此觀之用儒之效果何如孝  
宣鑒武帝之失故其治質而不求華實而不求名吏職民安賴  
以刑魏之深明治休奉行故事天下之人如釋重餅而得稻粱  
之飽去霧縠而有大布之溫豈皆儒者辯惠紛更之賜哉初元  
之君不知出此率制優柔用匪其人辜衡之徒雖醞藉德澤者



持綬阿諛無甚術業史稱元帝好儒術頗改宣帝之政譏之深矣夫儒者有益於國則一而其用之異也忠信而正直易祿而難畜見利不虧其義見死不更其守可近而不可迫可殺而不可辱事君而君無過治民而民不憂若是而儒者儒也飾儒以取名辨說以希進阿諛以陷其君者盜也武帝舍汲黯而盜公孫洪舍寶而用名求儒而得盜也幾何而不敗人之國乎苟况作書雖不純於聖人然其論大儒之効首以周公爲言庶幾知儒者之効矣嗚呼邪且不世有不然則得汲黯輩而用之足矣而武帝謂黯爲戇爲妄發爲不學豈其內多慾而外施仁義亦儒者之盜歟

汲黯類孔北海

金華先生

方漢執其侯寶嬰上書論救灌夫與大將軍威武田蚡互相詆訐武帝問廷臣兩人孰是韓安國兩以爲是鄭當時初是魏其後不敢堅唯汲黯獨是魏其而張湯爲御史大夫權震天下丞

相取充位而已唯沃黯獨數質責湯此乃孔北海理盛孝章而折曹操也非天下之至剛其孰能之黯蓋北海之徒歟如安國小人也始繞於威重絀一語以從王恢而兵禍終於武帝之世幾以喪邦今復觀堅首鼠以致外戚先老非罪之誅而當時則至誠子善者使之猶不敢堅其議武帝真不仁哉

汲黯以伯夷

箕山先生

淮南有謀譚汲黯而寢之武帝於黯非親之於耳目也淮南儼之無乃挺然不可犯淮南聞其風而自折衄者歟孟子曰頑夫廉懦夫有立志武帝奴視衛青而不冠不見黯夫以萬乘猶加嚴憚彼諸王畏而下之宜哉黯與伯夷異世而同歸矣傳曰一正君而天下定此之謂也

汲黯論

趙綸修

周襄聖王不作無道德教化以陶成士類而一時人才皆因其君之好尚以成風俗縱橫於戰國刑名於嬴秦浸淫於西漢

而極矣始高帝生長兵間不識俎豆之事自以爲得天、以居  
上故慢罵儒士而酈食其叔孫通之徒至更名易服徇其所好  
以求用故終高帝之世天下不知有稽古禮文之事文景在世  
崇尚黃老清淨之術一時之士務樸訥長者朝廷之上耻言人  
過而石建周昌之流瀚衣污垢競爲齷齪庸行之謹故終文景  
世天下無復儻儻奇異之節及武帝少年即位銳於興作陋高  
帝馬上之語而表章六經恢崇儒學耿泰春和親之策而大將  
軍遠征沙漠懲文景遠巡之失而修舉政事鼎新百度然武帝  
好儒而不知真儒故公孫洪倪寬緣飾經術附會文辭以阿其  
所好攘夷狄而無神武之略故衛青霍去病擢重兵出入朔方  
三十年而無成功求治而不得要故嚴助朱買臣主父偃張湯  
之流更進用事談詩書舞法律以迎合取容一大將當世無敢  
名者况敢觸天子逆鱗哉故自高祖至武帝百餘年間天下之  
士闐然自媚於世而阿諛之風牢不可破獨汲長孺以邁往之

氣行不可奪之志危言數論一掃其弊非三代遺直何以至此  
使漢廷自人人如黯則湯必不能希世用事於當時孔光張  
禹必不能容悅誤國於后世而漢業亦未易遽衰也嗚呼士風  
所在關時盛衰可不謹歟然而西漢以直名者亦有矣狄山直  
而失於踈朱雲直而失於狂蓋寬饒直而失於訐楊友直而失  
於誅徒竊一時之名皆無益於人之國若夫黯之直則根於仁  
義切於治体而無四者之失向使武帝納其內多欲外施仁義  
之言而尚恭儉則唐虞之治可以致納其和親勿用兵之言而  
征伐罷則末年哀痛之詔可以不下聞刀筆三公之語而不貴  
用湯則文景刑措之治不難復聞精薪用人之語而少加歷試  
則公孫子必不能徒步取丞相而終身可以處無過之地矣夫  
西漢之士固阿諛也人主於正直之士加尊寵之使重於世猶  
可救風俗之弊武帝之待黯陽為尊憚而陰踈忌之故容悅得  
遷而臣下靡然遂成風俗末年權自擅命擬神器而在廷無直

諫守死者一人以破數雄之膽其弊蓋在於當時士大夫墮君  
好尚而無特立之操故余因讀汲長孺傳并論西漢士風以為  
後世戒

新刊 國朝二百家名賢文粹卷第六